

REGLEMENT
FOR
GODTGJERSLE TIL FOLKEVALDE
TOKKE KOMMUNE



Vedteke av Tokke kommunestyre i sak 16/006, den 16.02.16.

A. **Generelt**

Reglane for møtegodtgjersle, dekning av tapt arbeidsforteneste og dekning av utgifter som vervet fører med seg, gjeld for alle medlemmer av kommunale utval, styre og råd, samt eventuelt andre som vert valde til å utføre eit politisk verv eller funksjon for kommunen.

Dekning av tapt arbeidsforteneste samt kost- og reiseutgifter, gjeld også for kurs, konferansar og andre gjeremål pålagt den enkelte av eit kommunalt organ eller godkjent av ordførar.

Møtegodtgjersle gjeld berre for fysiske møte der organet er lovleg kalla inn og er samla.

Det er den folkevalde sjølv som har ansvar for å krevje sin rett etter reglane i dette reglement, samt skaffe den naudsynte dokumentasjon for sine krav.

Møtegodtgjersla, telefongodtgjersa og dekning for tapt arbeidsforteneste er skatte- og rapporteringspliktig.

Er kommunen i tvil om ein folkevald har krav på ei godtgjersle leggst spørsmålet fram for formannskapet.

B. **Skyss- og kostgodtgjersle**

Medlemer av folkevalde organ får dekt reise- og kostutgifter i samband med møte og oppdrag for kommunen etter staten sitt reiseregulativ.

Dette gjeld ikkje ordførar sitt daglege oppmøte på kommunehuset.

C. **EKOM-tenester - telefonordning**

Faste medlemer av kommunestyret, hovudutval og kontrollutvalet får kommunalt nettbrett som nyttast i tråd med: 'Avtale om bruk av IPAD til politiske møte'. Folkevalde med kommunal mobiltelefon fylgjer reglement for arbeidsgjevarfinansiert elektronisk kommunikasjon.

Medlemer av formannskapet samt hovudutvalsleiarar som ikkje har kommunal mobiltelefon, får ein årleg kompensasjon lik 2 ‰ av ordføraren si godtgjersle for dekning av telefonutgifter.

D. **Ordførar/varaordførar**

a. **Ordførargodtgjersla.**

- i. Ordførarvervet svarar til 100 % stilling, med ei årleg godtgjersle lik 85 % av stortingsrepresentantane si godtgjersle.
- ii. Godtgjersla justerast 1.januar kvart år til den stortingsrepresentantgodtgjersla som gjeld på justeringstidspunktet.
- iii. Godtgjersla inkluderar godtgjersle for andre kommunale verv.
- iv. Ordførar vert meldt inn i pensjonsordninga for kommunalt tilsette og AFP – jf KS-sak 14/017.
Ordførar på heiltid har dei same rettार som andre tilsette i kommunen, og dette gjeld ut ein ev etterlønnsperiode.
- v. Ordførar får etterløn i 1,5 månad om vedkomande gjeng over i nytt lønna arbeid, og i 3 månader om vedkomande ikkje gjeng over i anna lønna arbeid.
Etterløn kompenserar også for tap av feriepengar.
Vert ordførar pensjonist gjevast ikkje etterløn.
- vi. Reglane i hovudtariffavtala for kommunal sektor kap 1, § 10 - Ytingar etter dødsfall/gruppelivsforsikring gjeld òg for ordførar. Kommunen teiknar forsikring for dette.

- b. Varaordførargodtgjersle.
Varaordføraren si godtgjersle er lik 10 % av ordføraren si godtgjersle. Dette dekkjer då også møtegodtgjersla i kommunestyret og formannskapet, men ikkje for andre politiske råd, nemnder eller utval varaordføraren er medlem av.
- c. Ved sjukdom får ordførar og varaordførar si fulle godtgjersle i 3 månader. Etter 3 månader betalar kommunen ut godtgjersle tilsvarande det beløp kommunen får refundert frå NAV.

E. **Godtgjersle til formannskapsmedlemer/varamedlemer**

Medlemer og varamedlemer av formannskapet får ei godtgjersle lik 2,5 ‰ av ordføraren si godtgjersle pr møte.

F. **Leiar av hovudutval**

Får ei årleg godtgjersle lik 4 % av ordføraren si godtgjersle, som og dekker møtegodtgjersle i utvalet.

G. **Andre politiske leiarar**

Leiar av kontrollutvalet og takstutvalet får ei årleg godtgjersle lik 2 % av ordføraren si godtgjersle, som og dekker møtegodtgjersle i utvalet.

Leiar av eldrerådet og rådet for menneske med nedsett funksjonsevne får ei årleg godtgjersle lik 1 % av ordføraren si godtgjersle, som og dekker møtegodtgjersle i utvalet.

H. **Møtegodtgjersle**

- a. Andre medlemer enn dei som er nemnde ovanfor av styre, utval, nemnder m.v. får ei møtegodtgjersle lik 1 ‰ av ordføraren si godtgjersle pr. møte.
Dette gjeld:
- Kommunestyret
 - Oppvekstutvalet
 - Helse- og sosialutvalet
 - Utviklingsutvalet
 - Takstutvalet
 - Røystestyra
 - Kontrollutvalet
 - Kraftutvalet.
- b. Medlemer av andre kommunale utval og ad hoc-nemnder som ikkje er nemnt under punkt H.a, får ei møtegodtgjersle tilsvarande 0,8 ‰ av ordføraren si godtgjersle pr. møte.

I. **Dekning av tapt arbeidsforteneste.**

Det vert etter søknad gjeve erstatning for tap av inntekt for møte og andre oppdrag på vegne av politiske organ for inntil 7,5 time pr dag.

For oppdrag/møte under 4 timar vert det gjeve halv sats.

Tida er inkludert reise til og frå.

Hovudregelen er at det må ha funne stad eit faktisk tap av inntekt – dvs trekk i løn. På linje med faktisk tap av inntekt reknast også når heimearbeidande, studentar, pensjonistar og frilansarar må forsøme sine vanlege gjeremål for å utføre vervet. Pensjonistar må dokumentere faktisk tap av inntekt.

Folkevalde som er lønsmottakarar må legitimere ev tap med stadfesting frå arbeidsgjevar. Uførepensjonistar, arbeidsledige, sosialhjelpsmottakarar og andre med tilsvarende ytingar frå det offentlege vert rekna på linje med lønsmottakarar.

Sjølvstendig næringsdrivande får dekkja tap i arbeidsinntekt etter eigafråsegn. Likningsattest krevjast ein gong pr år - som gjeld for etterfylgjande år, og årsinntekta delast på 230 dagar.

Folkevalde i ulønna arbeid (heimearbeidande, studentar, pensjonistar og frilansarar) får ulegitimert sats når dei forsømmer sine vanlege gjeremål for å utføre vervet. Dette gjeld også deltidsarbeidande lønsmottakarar og deltidsarbeidande sjølvstendige næringsdrivande på deira heimearbeidsdagar.

Ein sannsynleggjer å ha forsømt sine vanlege gjeremål ved å erklære dette i søknaden.

Det vert som hovudregel ikkje gjeve dekning for tapt arbeidsforteneste mellom kl 1700 og 0600 samt for helg og høgtider. I dette tidsromet må det ligge føre eit faktisk tap av inntekt gjennom trekk i løn.

- a. Ulegitimert tap i arbeidsinntekt:
2,9 ‰ av ordføraren si godtgjersle.
- b. Legitimera tap av inntekt vert dekt fullt ut.

J. **Dekning av andre utgifter i samband med kommunalt verv (t.d. barnepass, vikar, omsorgsarbeid elles)**

Til dekning av naudsynte legitimerte utgifter som fylgje av vervet vert det gjeve erstatning inntil ulegitimert sats – jf pkt J.a, dvs inntil 2,9 ‰ av ordføraren si godtgjersle. Dette gjeld normalt ikkje når nære familiemedlemer tek over omsorgsansvaret (t.d. når den andre forelder eller andre nære familiemedlemer ser etter eit barn i staden for den folkevalde).

Der det leigast inn vikar eller avløyser kan arbeidsgjevar eller sjølvstendig næringsdrivande krevje dekning for utgifter til dette.

Utgifter til vikar kjem til fråtrekk i utbetaling av ev tapt arbeidsforteneste.

**Vedlegg 1 til
Reglement for godtgjersle til kommunale folkevalde i Tokke. (jmf KS-09/48)**

Storleiken på godtgjerslene. (Satsar frå 01.01.2020).

- D.1. **Ordførargodtgjersle.**
85 % av årsløna stortingsrepresentant (Kr 987 997) Kr 839 800
2. **Varaordførargodtgjersla.**
10% av årsløna til ordførar Kr 83 980
- E. **Formannskapsmedlemer.**
2,5 o/oo av årsløna til ordførar
pr. møte Kr 2 100
- F. **Leiar av hovudutval og
administrasjonsutval pr. år**
4% av årsløna til ordførar Kr 33 592
- G. **Andre leiarar.**
Leiar av kontrollutval,
2% av årsl. til ordførar Kr 16 796
- H. Leiarene i Eldrerådet og Rådet for menneske med nedsett funksjonshemming
1 % av årsløna til ordførar Kr 8 398
- I. **Møtegodtgjersle.**
1 o/oo av årsløna til ordførar pr. møte Kr 840
0,8 o/oo av årsløna til ordførar pr.møte Kr 672
- J. **Dekning ulegitimert tap i arbeidsinntekt.**
Inntil 2,9 o/oo av årsløna til ordførar
pr.dag Kr 2 435
(inntil 4 timar) Kr 1 217
- Legitimera tap av inntekt vert dekt fullt ut,
utover kr 2 435
- K. Medlem av kraftutval får 1 o/oo av
årsløna til ordførar Kr 840

Ajourført pr 27.09. 2019